

丹陽繼韻

一遇出泥塗沖和味得鋪龍吟震山谷虎嘯透江湖欲要金丹  
結須教玉篆鋪通斯成變化何況於人乎

熱心香

坐殺王風立殺扶風只因伊貪戀家風爭如猛捨認取清風好  
同行好同坐共攜風我卽真風你卽佯風小春大總賴溫風將  
來雪下恁奈寒風窗兒裏門兒外兩般風

丹陽次韻

此箇扶風幼習儒風遇風仙傳得清風風狂便做總笑余風這  
風風風風得煞似心風脫俗宜風離境收風向之關要捉雲風  
香風不斷悅我松風待好風來靈風至便乘風

與丹陽

芋栗遺賢往不還休心何用在機關常恰家計爲縈絆怎得身  
軀暫處閑一對沉毬頻輾轉兩團猫食最癡頑若教會得清涼  
語也許隨余住好山

丹陽繼韻

便尋出計不思還打破氣財酒色關滅火消煙永遇樂立身行  
道放心閑須教已後成功行豈敢依前放軟頑大抵男兒憑志  
氣將來決定住三山

恣道遙

道藏輯要

分梨十化集

六

胃集二

118

若要修行須當子細把金闕玉門牢閉上下沖和位交漑濟得  
來後惺惺又同猜謎覩入虛空卻投根蒂毫光燦爛銀霞際五  
彩新鮮真靈瑩膩分明徹淨清閑然細細

丹陽繼韻

二氣綿綿調來細細向瓊壺裏頭封閉子午宮前玉金周濟這  
玄妙分明免教商謎天上靈苗海中根蒂霞光布燦無涯際忽  
見真容如同玉膩通元始修行在乎子細

與丹陽

害風遊歷水和雲六葉輪迴鐵板分敲遍世間俱不曉心知唯  
有箇人聞

道藏輯要

分梨十化集

七

胃集二

丹陽次韻

寶瓶宮裏看祥雲雲去雲來邪正分分劈心琴成曲調調高聲  
韻自然聞

與丹陽

一箇渾梨作四分翁婆共啖莫紛紛梨分不爲分離事果結須  
看結裏文水湧頻教烏兔飲火來休把赤心焚若通水火成顛  
倒冷淡清閑自喜聞

丹陽繼韻

分梨悟到四離分漸覺心灰性不紛妙妙虎龍甯有說玄玄金  
玉豈關文靈苗宜向火中漑慧草堪於水裏焚直待大丹丹不